

Stoanersdorfer - Rud

Rudenkirtag Sierning Faschingdienstag 25.2.2020



<p>Grias gott liabe leit vorstöhn brauch ma uns ned heit san de feschan, haumma befundn von de auftaunzadn rudn a waunts ihr, sats aundra meinung bitt ma eich, brav um verzeihung zum augenoarzt, werds ihr hi gschickt daun sats auf de augn, a wieder fit</p>	<p>Seid heia is jetzt wiakli woa Siagn is a plastikfreie gmoa da gemeinderot, hot si geinigt auf a moßnaumenlistn schleinigst Da koichmoa gfreid sie wie a norr, Weis plastik wiad, hiaz endli goa, Da manfred in sein plastikwahn, Verteilt kondome aus saudarm</p>
<p>Mia Stoanerdorfer haum an neichn Huad und der steht uns richtig guad woan letzts joa, nu oben ohne mocht wos her, zweifelsohne bedeckt so sche kopf und frisar schützt vor de launen der natur bam higsberger, hed ma si docht das er an braucht bei der hoarprocht</p>	<p>D eishuba silvia, is bekaunnt trogt jetzt uniform ois gwaunt freund und helfer, im steyrtoi ma siagts doat e, überoi zmittog im gschäftl, hod mas troffen mid an faschierten und kartoffen zoagt aum posten, ia kochkunst woa ömberg, do net umunst</p>
<p>de zwa taunzherrn san gaunz heita mit de rudn geht's jetzt weita kane betagten herrn mehr jung und frisch, des mocht wos her volles haar und kane foitn ned olle haum si, so guad gehoitn sats ned bes es oidn mauna da oitasschnitt is jetzt a aundra</p>	<p>D'Lehner Buam haum seit Neichem, An schenen Wogn, mit Autozeichen. Ernan Mustang haums restauriert, Im 80er Joa kaft, um a Bier. In Stodl haumsn aufiglegt, in tausend Teile, woa er zerlegt, Hiaz schaut a aus, echt wunderboa, Nur bei erna kennst jeds Joa</p>
<p>DBaun in Siagn herd ma redn, grobe verluste hots hei gebn. Ned gnua Strah bringans zaum, Wir wissns glei, ma glaubt es kaum. S' letzte Joa, woa so schlecht, Schuid drau san, ernre Knecht, nua dHöfte bringans hoam in Stoi, S' aundre verlierns hoit überoi.</p>	<p>da sturl flo und d bräuer elli haum jetzt a, ea erstes baby bam storchaufstöhn, is eskliert das d Polizei, wurd alarmiert a bam hot gstört, und hod wegmasn in da fruah, de motorsog losst griaßn dNochbarin, wocht auf jo mei, kimmt stodn storch, hoit dPolizei</p>
<p>da pfisti hannes wies es wissts a guada rubnmausfohrer is bevor er foad, des drum der hund hod si er, an most vagunnt vor lauter durck, er wird fost hi springt er gach o, erleichtert si daun kummt da bauer zichizacki und steigt eini in sei gaki</p>	<p>In Siang head mas redn soits neiche Arbeitsplätze gebn Wo fria d schui, is gwen soin coworking spaces, entstehn wos des genau is, wiss ma ned oba des is, sicha ned bled wei Raika heds ned kafft waun des soch ned lafft</p>

Da hofner sepp hots recht liab gmand
woit stöckin geh so woas geplant
Dort aukemma sogn de uns glei
Unsa Reservierung is ned dabei
Denn wia mas kennt de oidn leid
Online reservieren mocht erna freid
Liaba sepp wia sogns da glei
Wia gfrein uns schau auf dFloschn wei

Da Gatterbauer Hansi & sei Evi sats gach leise
Aum hochzeitstog foan auf a reise
DFrauenbewegung ausm ort
Foad mid erna woifohrtn fort
Auf dnocht da pfarra sogt verlegn
Miasn si in schlofsoi legn
Hedm auf Zweisitzer si gfreid
Fürs Schäferstündchen is ka zeit